



## Examens d'admissiun al progimnasi

Las dumondas e respostas las pli frequentas per entrar da la scola primara en il gimnasi

Ils examens d'admissiun sa basan a l'Ordinaziun davart la procedura d'admissiun a las scolas medias dals 02-09-2008, versiun dals 01-08-2019 (ordinaziun d'admissiun a las scolas medias; DG 425.060).

- |  |  |
|--|--|
| 1. Tge èsi da resguardar?                                      | > Tut las scolaras ed ils scolars (era da lingua materna rumantsch e talian) vegnan examinads en ils roms emprima lingua e matematica. Las candidatas ed ils candidats decleran en l'anunzia ina da las linguas chantunalas sco lur emprima lingua, q.v.d. quella lingua en la quala els vulan far l'examen.<br>> Per la decisiun d'examen vegn ina seconda lingua chantunala resguardada. La nota dal rom d'examen per las linguas chantunalas vegn calculada sco media arrundada sin duas cifras suenter il punct da la nota d'examen en la l'emprima lingua e da la prestaziun da l'emprim semester da l'onn da scola current, per regla da la 6avla classa primara, per la seconda lingua chantunala.<br>> Sco seconda lingua vala per scolaras e scolars da scolas u da classas bilinguas ina da las duas linguas chantunalas che vegnan duvradas sco lingua d'instrucziun.<br>> L'examen è reussì sche la media da l'examen cuntanscha la nota 4.5 e las notas dals roms d'examen na sviesschan betg dapli che 0.75 puncts da notas da la nota 4 engiu.<br>> Suenter avair passà l'examen d'admissiun pon ins entrar - cun resalva d'esser promovì a la fin da l'emprim onn al gimnasi - en l'emprima classa dal progimnasi. |
| 2. Co vegn la media da l'examen calculada?                     | > La media da l'examen vegn calculada sco media arrundada sin duas cifras suenter il punct da las notas dals roms d'examen per las linguas chantunalas (examen a scrit per l'emprima lingua e nota d'attestat da semester en la seconda lingua chantunala), da la nota dal rom d'examen matematica e da la nota d'admissiun, premess ch'il candidat haja il dretg a quella (Hompage: calculaziun d'exempel da las notas d'exempel).  |
| 3. Tgi ha il dretg d'ina nota d'admissiun e tge quinta quella? | > Ina nota d'admissiun survegnan mo candidatas e candidats ch'entran directamain suenter la 6. classa primara d'ina scola che suttastat al champ d'applicaziun da la lescha davart las scolas popularas dal chantun Grischun (senza in onn intermediar u in onn da scolaziun supplementar) en la scola media.<br>> La nota d'admissiun quinta sco nota da rom d'examen supplementara.  |
| 4. Co vegn la nota d'admissiun calculada?                      | > La nota d'admissiun a la 1. Classa gimnasiala vegn calculada a maun da l'emprim attestat da semester da la 6. classa primara sco media arrundada sin duas cifras suenter il punct da las 9   |

---

notas dal rom **emprima lingua; seconda lingua; englais; aritmetica e geometria** (1 nota); **natira, uman e societad** (1 nota); **art figurativ; chant e musica** (1 nota); **moviment e sport** (1 nota) e **medias ed informatica** (1 nota).

---

5. Tge roms vegnan examinads a l'examen d'admission?
- > Roms d'examen per emprima lingua tudestg: Deutsch e Mathematik / matematica
  - > Roms d'examen per emprima lingua rumantsch: Rumantsch e matematica/Mathematik
  - > Roms d'examen per emprima lingua talian: Italiano e matematica/Mathematik
6. Con ditg cuzzan ils examens?
- > L'examen en l'emprima lingua cuzza 90 minutus.
  - > L'examen en il rom matematica da diveda en duas parts:
    1. part: matematica a scrit: 60 minutus
    2. part: matematica fixand: 30 minutus
7. Tge mutta matematica fixand?
- > Quints a chau fixand mutta ch'ils uffants jan ils pensums avant els e pon recepir els visualmain. Notar resultats intermediars u quintar a scrit è scumandà (Quintar fixond a chau).
8. Tgi decida davart la tscherna da l'emprima lingua?
- > Cun l'annunzia per l'examen decleran las candidatas ed ils candidats ensenem cun lur educaturas ed educaturs l'emprima lingua, q.v.d. quella lingua chantunala en la quala ellas, els vegnan examinads e survegnan las dumondas da l'examen era en il rom matematica (decleraziun persunala).
9. Tge signifitga l'admission al gimnasi cun resalva da la promozion?
- > Sch'ins n'è betg promovi l'emprim onn dal progimnasi, n'èsi betg pussaivel da repeter quel. En tal cas cuntinueschan las scolaras ed ils scolars lur scolaziun al stgalim superieur.
  - > Sch'ins mida dal progimnasi en consequenza d'ina nunpromozion ha per regla per consequenza ina admission provisoria en la seconda classa dal stgalim superieur. A la fin da l'emprim semester succeda la decisiun definitiva schebain il scolar/la scolar po restar en la 2. classa secundara u sch'el sch'ella sto midar en il segund semester da l'emprima classa secundara. Ina midada en l'emprima classa secundara po succeder en consentiment vicendaivel tranter las personas d'instrucziun ed ils responsabels d'educaziun gia el decurs da l'emprim semester.
  - > Scolaras e scolars che n'en betg promovids a la fin da l'emprima classa dal gimnasi e che han en dapli che traiss dals roms linguas chantunalias, matematica, englais e instrucziun da la natira ina nota insuffizienta vegnan assegnads a l'emprima classa da la scola secundara.
10. Nua poss jau m'infumar davart las pretensiuns per ils examens?
- Sin la pagina d'internet [www.mittelschulen.gr.ch](http://www.mittelschulen.gr.ch) chatt'ins las suandardas infurmaziuns:
  - > Exempels d'examens dals davos 4 onns
  - > Disposiziuns davart las enconuschientschas preliminaras
11. Tge sto jau resguardar tar l'annunzia a l'examen?
- > L'annunzia succeda via internet sin [www.zap.gr.ch](http://www.zap.gr.ch).
  - > Tar l'annunzia a l'examen èsi da pajar ina taxa d'examen da CHF 100.-
  - > Per pajar la taxa d'admission survegnan ils retschaviders dal quint in cedel da pajament.
  - > Ils suandardas documents ston en mintga cas vegnir inoltrads al secretariat d'examen (adressa vesair sura) fin il pli tard **ils 5 da favrer 2024**:

---

	<ul style="list-style-type: none"> <li>• copia da l'attestat da l'emprim semester da l'onn current</li> <li>• copia da la carta d'identitad u dal pass</li> </ul> <p>&gt; Las indicaziuns pli exactas pertugant la procedura d'annunzia electronica èn disponiblas sin la pagina d'internet <a href="http://www.mittelschulen.gr.ch">www.mittelschulen.gr.ch</a>.</p>
12. Survegn jau ina confirmaziun per la annunzia succedida?	> Suenter che l'annunzia electronica ei terminada survegnis Vus ina confirmaziun electronica via e-mail.
13. Survegn jau ina confirmaziun cura che jau hai inoltrà ils documents che jau hai tramezz pli tard?	> Na. I na vegn betg tramess retschavidas (era betg sin du-monda). En cas dad irregularitads vegn l'Uffizi per la furmaziun media-superiura a prender si contact cun Vus per telefon.
14. Stoss jau trametter ils documents che jau tramezz pli tard scrit en?	> Na. Quai n'è betg necessari. Ils documents pon vegnir inoltrads cun posta ordinaria <b>u</b> electronicamain ( <b>ma na cun posta e electronicamain</b> ).
15. Co paj jau la taxa d'examen da CHF 100.-?	> Per il pajament da la taxa d'examen da CHF 100.- retschavais Vus en il decurs dal schaner 2024 in cedel da pajament da l'Uffizi per la furmaziun media-superiura.
16. Fin cura stoi jau pajar la taxa d'examen da CHF 100.-?	> Il termin da pajament mutta a 30 dis suenter avair retschavì il cedel da pajament. L'inadempilment dal termin da pajament na maina betg a l'exclusiun da l'examen, chaschuna però il proceder d'incasso (admoniziun, scussiun, etc.).
17. Stoss jau era pajar la taxa d'examen sche jau visescha l'annunzia a l'examen d'admissiun u sche jau na fetsch betg l'examen?	> Sche la retratga succeda <b>avant</b> la scadenza dal termin d'annunzia scroda la taxa d'examen. Suenter la scadenza dal termin d'annunzia sto la taxa d'examen vegnir pajada en mintga cas.
18. Fin cura poss jau m'annunziar?	<p>&gt; Il termin d'annunzia per ils examens d'admissiun a l'emprima classe dal gimnasi è publitgà sin <a href="http://www.mittelschulen.gr.ch">www.mittelschulen.gr.ch</a>.</p> <p>&gt; Il termin d'annunzia è in termin da scadenza. <b>En cas d'ina annunzia retardada è la participaziun als examens d'admissiun exclusa.</b></p>
19. Tge capita sche jau na poss betg vegnir als examens per motivs nunprevis?	<p>&gt; Tgi che na po betg sa participar als examens per motivs da sannadad nunprevis u en consequenza d'in accident sto communigar quai il pli spert pussaivel tant a la direcziun dal lieu d'examen sco era al secretariat d'examen, il pli tard dentant avant l'entschatta da l'examen agiuntond in attest dal medi.</p> <p>&gt; La gruppera directiva examens d'admissiun a las scolas medias grischunas decida davart ina admissiun eventuala als examens supplementars.</p>
20. Poss jau far ils examens supplementars sche jau hai manchentà il termin d'annunzia?	> Na. Access als examens supplementars ha mo tgi ch'è s'annunzià entaifer il termin per ils examens d'admissiun, n'ha dentant per motivs cumprovabels (attest dal medi) betg pudì sa participar als examens.
21. Poss jau m'annunziar da l'emprima classe secundara o reala per l'examen d'admissiuna l'emprima classe dal gimnasi?	> Na.

22.Poss jau m'annunziar da la 5. classa primara per l'examen d'admissiuna l'emprima classa dal gimnasi?	> Na.
23.Poss jau m'annunziar sco scolara extrachantunala u scolar extrachantunal als examens d'admissiun chantunals?	> Na. Als examens d'admissiun chantunals pon mo s'annunziar scolaras e scolars, dals quals ils geniturs (almain in genitur) èn domicilià en il chantun Grischun.
24.Tge proceder succeda per scolaras extrachantunals e scolars extrachantunals?	> Las singulas scolas medias grischunas pon acceptar scolaras extrachantunals e scolars extrachantunals, che na vegnan betg anc d'in gimnasi, tenor atgnas fixaziuns confurmazis a las leschas. En in tal cas ins survegn infurmaziuns tar la scola media giavischada.
25.Hai jau il dretg sin ina compensaziun dals dischavantatgs sche jau hai in impediment?	> Sche Vus avais in impediment, avais la pussaivladad d'inoltrar ina dumonda giustifitgada en scrit per concessiun d'ina compensaziun dals dischavantatgs tar l'Uffizi per la furmaziun media-superiura, Grabenstrasse 1, 7001 Cuira. Ensemen cun la dumonda sto vegnir inoltrada ina expertisa actuala specifica dal rom. Detagls chattais Vus sut internet: <a href="http://www.mittelschulen.gr.ch">www.mittelschulen.gr.ch</a>
	> documentaziun > leschas ed ordinaziuns > disposiziuns da l'uffizi per la furmaziun media-superiura dal 28-9-2016 concernant il relasch da las directivas davart la compensaziun da dischavantatgs tar ils examens d'admissiun per entrar en ina scola media grischuna.
26.Tge medis auxiliars pon ins duvrar tar ils examens d'admissiun?	> En il rom d'examen emprima lingua n'en lubids nagins medis auxiliars. En il rom d'examen matematica, 1. part, pon vegnir duvrads il circul, il geotriangul ed ina lingera. En il rom d'examen matematica, 2. part, n'en lubids nagins medis auxiliars.
27.Tge stoss jau prender cun mai a l'examen d'admissiun?	> Vus stuais s'identifitgar tar ils examens d'admissiun entras in palpiri d'identidad (carta d'identidad, pass u legitimaziun d'esters).
	> Material da scriver. Cun excepziun dal rom d'examen matematica, 2. part, (matematica fixand) pon ins era scriver l'examen cun in stilograf (blau u nair) enstagl da culli. Il diever d'in rispli è cun excepziun da las construcziuns da schliaziuns geometricas en il rom d'examen matematica, 1. part, betg lubi. L'examen da matematica, 2. part, sto vegnir scritta cun il culli che vegn mess a disposiziun. Tut ils pensums ston vegnir schliads sin ils documents d'examen. Igl è scumandà da duvrar agen palpiri. Da prender cun sai è damai:
	a) A l'examen d'emprima lingua: stilograf u culli (blau u nair) L'utilisaziun da marcaders e da la lingera è lubida.
	b) A l'examen da matematica, 1. part: Stilograf u culli (blau u nair), rispli (pensums da construcziun vegnan fatgs cun rispli), gumma, gizzarisplis, colur verda (per marcar schliaziuns en ils pensums da geometria), circul, geotriangul, lingera.
	c) A l'examen da matematica, 2. part: Nagut. Ins dastga be duvrar il culli che vegn mess a disposiziun.
28.Dastg jau duvrar fieuters da pilot?	> Na. La tinta dals fieuters da pilot svanescha tar influenza da chaud (chalira da fricziun). Tar ils documents stampads da d'omadus varts exista il privel, che en cas da correcturas tras

---

far or cun la gumma vegn la scrittira sin la vart davos illegibla  
resp. svanescha.

---

- 29.Poss jau prender cun mai  
ina pitschna marendia ed ina  
bavronda en la stanza  
d'examen?
- > Gea.
- 30.Co e cura succeda la com-  
municaziun da la decisiun  
da l'examen?
- > L'infurmaziun davart il resultat da l'examen succeda en scrit e  
central per posta A (spedizion postala ils **29 da favrer 2024**  
[bul postal, betg data da consegna], cun resalva dad incaps  
betg previs) entras la gruppera directiva d'examen d'admissiun.  
Il medem di a partir da las 18.00 san ins prender invista online  
al resultat da l'examen sin [www.zap.gr.ch](http://www.zap.gr.ch). Per l'invista online  
**vegnan duvradas las datas d'access che vegnan utilisa-  
das per l'annunzia electronica da l'examen.**
- 
- 31.Poss jau contestar la deci-  
siun da l'examen, sche jau  
na sun betg perencltg?
- > Gea, tant enavant che vus n'avais tenor decisiun betg  
cuntanschì las premissas per l'admissiun en l'emprima classa  
gimnasiala (decisiun da l'examen negativa). Tar la decisiun  
negativa da l'examen sa tracti d'ina disposiziun cun indicaziun  
dals medis legals. Il termin per medis legals cumenza il di  
suenter la consegna da la decisiun (1. di) e finescha il diescha-  
vel di. Croda la fin dal termin (10. di) sin ina dumengia u sin in  
firà uffizial, finescha il termin fixà il suandard lavurdi.
-